

四庫全書

集部

欽定四庫全書

五峰集卷六

元 李孝光 撰

五言律

天台道上聞天香

八月天台路清風物物嘉晴虹生遠樹過雁帶平沙日氣常蒸稻天香喜釀花門前五株柳定是故人家

越州郡庠壁和顏氏子韻

歲月渺無涯居然鬢髮華乾坤難屢旦霜露菊猶花城
裏鑑湖稻山陰日鑄茶東南好官守行子莫思家

送友人

依依涉野水渺渺渡秋陰短褐北風急布帆南斗深行
酬丈夫願乃見故人心莫作長回首因風患好音

挽朱西隱

清氣還天地英靈太颯然年尊幾耳順子孝自心傳星
墮憂高士山頽惜大賢竹西有舊草木亦蒼妍

久客寄劉弘度

有客淒涼甚思家少定懽夜深知箇短秋半覺衣單積
水草絲滑高田豆葉乾月明星露墜慎莫倚闌干

挽戴春澗

夫子不可作斯文又陸沈平生伊呂夢老去綺園心字
宙理雄劍精靈護雅琴猶聞書萬卷自有鳳毛尋

其二

偃蹇經綸手俄殘兩鬢青人間夢霖雨天上失文星暗

咽看麟紋飄飄趨鶴銅文章能蓋世祇合自為銘

江心寺贈唐博士

銀浪舞輕航天風起石塘六鰲扶地勢萬象發天光樹
湧中流碧蓮生隔浦香潭龍莫深卧一雨九州涼

送薩郎中賦得新亭

登高望吳楚芳草滿汀洲離別安足念英雄翻百憂山
河吞故國江漢入秦州今日新亭飲因君感滯留

同徐仲禮劉方存在雁山作

北雁山前路扶藜上紫冥山空猿自語雲煖鶴初醒詩
妙驚天老琴靈畏瀑腥夜分蕭寺榻南斗下文星

代友人送于彥明之鄧

詩舸幾時發秋風海水腥雲分雁蕩路江繞蛤螭亭天
府文星聚名山僧氣靈凭君道問訊無恙讀書螢

送裕上人歸儀興

行尋桂樹隱已與菊花期江永魚龍夕風高鴻雁飢獨
憐相見晚況復欲歸時楚雨楓林黑勞予入夢思

陪薩使君志能遊城西光孝院得茶字

入谷向亭午城門已集鴉風沙天易夕霜露菊猶花騎
馬尋修竹逢僧問煮茶江南有獨客日夜憶京華

送客

出門嚴鼓後送客入舟時已自傷羈旅令人畏別離江
蟠全楚地山掩小姑祠歲晏多風雪題詩寄所思

次薩郎中題鐵塔寺壁

平生謝太傅勝日得重臨地勢吞吳盡江流入楚深金

湯非舊國棟宇尚青林野露溥黃菊獨為遊子吟

東林寺

騎馬過東林當階入綠陰路斜瑤草合雲去落花深
老去况獨立興來時一吟數來成故舊相對挽重臨

送郭仲方

莫作匆匆別人生易聚萍官船賢聖酒客帳短長亭恨
不車生角毋為井墜瓶蕭齋清夜撾莫負讀書螢

送人

蟋蟀已在宇涼風吹角巾別離低壯士富貴改全人旅
食貂裘敝交遊白髮深蕭蕭一尊酒落日大江濱

次韻虞學士見寄

白髮眉山老玉堂清晝閒聲名滿天下翰墨落人間才
俊賈太傅行高元魯山獨憐江海客尊酒夜闌珊

匡濟

春風起天際遊子若為情多病仍羈旅令人白髮生山
連三楚壯地入九江平匡濟寧無術栖遲敢自名

送達兼善僉事

相逢九日裏更覺轉離羣倚杖看黃菊升堂望白雲天
星猶耿耿江水正沄沄勛業無勞夢平生有愛君

送王子安上淳安縣石峽書院山長

峽裏淳安縣深山樹學門野人尊俎豆遺老識罍樽茅
屋依山闕桃花入水源山中便靜者官秩未須論

癸酉元日前一日歲除立春

昨日春有信今晨春已深江梅闕白玉湖柳帶黃金作

室兒孫計收書父母心登樓看萬象此亦足清吟

寄勞于彥明自吳歸

去及花時發來逢暑雨沾樹涼人憩午江熟馬行鹽不畏黃金盡祇愁白髮添君看雙燕子隨意入人簾

冬至日用文字韻

宮中五色線刺繡補天文辰次星珠合郊巖羽葆紛隆平今有象麟鳳動成羣共仰堯天日仍書魯觀雲

留侯

感慨留侯事曾來客下邳手扶仁義主身是帝王師興
漢功居最存韓志可悲如何劫高后反使卯金危

寄夏友伯

長憶浣花宅醉君雙玉瓶春風吹白髮山雨隔青燈卧
病從無客居閒欲似僧何時溪上路倚杖看魚曾

梅邊別墅小酌五人

春色已可愛溪桃花始繁却憐京兆騎來問武陵源山
暖蒸花氣泉清露竹根羣公招小飲文字得重論

次相國魯公鍾山韻

上邑垂虹帶
祈僧孕素靈
井沈龍虎氣
岡斷鳳皇形
地勢通句曲
江源異建瓴
懸車南斗下
自有老人星

送人

天上迴麟鳳
人間下使星
相看愧弭節
欲發盡揚舲
喜氣通烏鵲
平安報脊令
韋家有近集
送酒玉為瓶

贈能仁寺建禪師

坐此山水僻
亂趨麋鹿羣
茶香隣屋借
芋熟騎童分
湖

游魚成葑山高常有雲禪師識道理杯酒得論文

送張子約

擊鉛高歌裏丈夫輕別離雞鳴裏行橐燈暗覆殘棋行
矣復何適差哉我所思且歸慰妻子莫學五年皮

次薩使君道林寺壁

詩妙人皆誦才高世不容舊題經在眼新別憶聞鍾市
遠依春樹川明見石春南風洲渚靜幽窟閼魚龍

秋岑

更覺秋岑碧能尋勝日躋樹深來鵠鶴山斷見虹霓釋
子行相問幽人去不迷雨餘天姥出吾欲陟丹梯

用韻呈真人

燈明高閣裏今日重論文歲晏尋黃獨雲生嘆白分首
書當益友把酒畏離羣為客近長至登臺候彩雲

遠山

樓前萬里月窟窟碧峰孤江上自濃淡雲間疑有無行
人穿亂樹落日界平蕪佇立有真意陰陰鳥自呼

綠水

青春足新雨漪綠上魚磯積翠疑搖眼拖藍欲染衣雲
行天影動風颭日光微竚立無人見沙禽背艇飛

自和寄陳良友

向來詩律近庚謝不枝梧笠子從前瘦梅花未可孤更
憐冬夜寂寥覺壯心無煖日今人喜還勝滿眼沾

代送靳尹

謾說休官去恨公獨見幾玉簫和客恨黃菊待人歸詩

屋天圍座官船月上衣門前五株柳樽酒莫相違

次王宣政園亭

復過高陽社還同北海尊池開搖倒影木落見孤根愛日窺南戶春風在北園老翁工種德庭下鳳毛蕃

題元鎮畫古木寒林

冬氣漸閑客萬物亦歸根歲晏龍蛇蟄山深雪霰繁物理不終剥上天諒何言春風一朝至清陰被萬軒

次薩使君題暢曾伯都事幽居

四海暢夫子時歸學灌園兒童散書帙者舊識疊樽移
竹須逢醉刈葵休斷根升堂定何日凍酒為余溫

何處難忘酒

何處難忘酒飄零祇自傷狂歌搔白首多病在他鄉秋
雨思魚鱠青天看雁行友于深寄意加飯願身強

五馬呈昂夫大尹

五馬何時發聊達勝日留天晴占鼓角地濕謹衣裘願
試匡時畫歸余理釣舟浮雲浩今古別地望神州

五峰集卷六

欽定四庫全書

五峰集卷七

元 李孝光 撰

六言

江邊

江邊古樹猶碧天際白雲自流七十二灘浩蕩夕陽照
見孤舟

題鶯轉上林圖

臺榭東風婉婉池塘綠樹陰陰有箇黃鸝飛入一驚衆
鳥皆啞

雪晴

雪乾玉鉢初香月瘦珠胎猶小閉門不見臞仙白鶴橫
江清曉

池上李花

天寒古雪逾碧月落行雲未歸孤鶴橫秋清曉仙翁顛

倒裳衣

五言排律 七首

山陰縣學文會用杜詩分韻予得春字

淮南樹北縣為政屬賢人
黉舍陳蓬豆初筵集縉紳
賓更盈爵敬老有重裯
相見修容威還驚禮教新
湛露沾清夜泮水照芳春
但願崇明德盟雞庶有鄰

王都事仲能書巢

頻過三槐宅湖水帶階除
儲書向籀閣為知類繅車戶
牖網繆後標枝偃伏初
大壯除風雨文字起龍魚
有虞

謝嚴室遷史羨蕭居無煩獻儉樸堪容萬卷書

陪薩使君飲酒鐵塔寺分題得簿龍軒分韻得而

字

琅玕盡靈種玉立近東池已與風雲會終含冰電姿氣
酣猶颺扇鱗動覺之而雨暗思雷澤天清入葛陂鳳毛
當戶見蛇影倒杯疑神物煩呵護應看變化時

去病秘丞趙君涼國公子也

四世三公重承恩自主知清官守圖籍華省近論思英

聚懸車後班衣致養時更聞紫霄願兼領白雲司玉節
光先起金闈步不遲世知麟趾貴人喜鳳毛垂嵩岳生
祥瑞朝廷樹羽儀于門種陰德庭下見佳兒

竺雲為曇山人作

雲來自西極駘蕩復委蛇影度流沙晚峰臨鷺嶺奇從
龍飄婉轉觸石起參差光擬鳳毛紫清同玉葉垂芙蓉
連華岳綺藻映天池五色生祥瑞賢人懷羽儀

玄冬館飲酒分韻得衝字

良朋謝悽愴仙賞屬玄冬野澗梅將發山乾雪不封生
荑近芳節出日媚川容愁用詩湔浣寒憑酒折衝幽人
每多暇俗子自無悰聊以供娛悅詎知糜萬鍾

李子雲白雲圖

白雲如白月宛宛復離離青霓依澗出玉華映簷垂詎
閨飛花度還同病鵠窺分輝含戶牖倒影散園池近看
吁欲落佇立意俱遲坐卧常相對成峰晚更奇

五峰集卷七

欽定四庫全書

集部

五峰集卷十六至

詳校官編修臣翟槐

中書臣劉源溥覆勘

總校官檢討臣何思鈞

校對官中書臣邱桂山

謄錄監生臣詹師賢

欽定四庫全書

五峰集卷八

元 李孝光 撰

七言絕句

簫臺八景

雲門福地

古帝南巡事已非
土階茅屋尚依依
夜深月底吹簫去
度得雲門一曲歸

蓋竹洞天

蝙蝠翻雲似白鴉
石林玉氣亂晴霞
山中雞犬應相笑
溪上紅桃幾樹花

雙瀑飛泉

雨洗天根雲洞幽
黑蛟飛電舞長湫
只應壯士思酣戰
組練相銜夜不休

簫臺明月

山月崢嶸露玦環
石樓香冷白雲間
玉簫吹裂階前竹

騎鶴仙人去不還

白鶴晨鐘

風約疎鐘下窈冥天南曙月颯飛星驅鳴闌闔萬聲起
老鶴巢深夢未醒

紫芝晚磬

蕭蕭清磬出雲遲月死空林日氣微重過紫芝山下路
壞垣燈火照人衣

東塔雲烟

海月四更移塔去天風萬里摩松開烟銷日出無人到
獨自看雲山上来

西岑松雪

山上行人如凍蠅西崖日出淡青熒太陰積雪草木縮
留得孤松長茯苓

雞啼

堯舜文章如混沌半夔禮樂鑿崆峒難鳴天地如夢醒
日出扶桑照海紅

白髮

半夜雞鳴非惡聲攬衣起舞若為情鬢邊白髮三千丈
總為憂君憂國生

六月初十日雨止月出坐大桂樹旁西風先秋
軟玉衣裳翡翠環暖笙初學鳳綿蠻廣寒宮闕西風緊
一夜天香滿世間

得故人書

風前一紙故人書上說相思下起居却道梅溪新事業

聲名全勝紹興初

題牧牛圖

郭經塵

牛下平生笠與蓑月明奈此北風何阿童吹笛無人問
中有南山夜半歌

春風

春風隨處作春晴楊柳依依綠未成昨夜池塘新雨足
蛙聲剛亂讀書聲

石門觀瀑

神龍捲海上青天萬斛明珠亂後前天下蒼生望膏澤
試將霖雨作豐年

過釣臺

赤龍已挾故人飛却愛清江理釣絲入覲匆匆謀去就
當時猶悔見機遲

農事

落日蜻蜓處處飛槿花門巷豆花籬行邊野老問農事
稻雨濕衣香未知

天台道中聞天香寫贈胡仲賓

萬斛天香夜氣收
曉風涼月釀清秋
詩人試與評花品
定是人間第一流

送李仲羽歸江東因寄伯循御史

江中八月雨如烟
去買徐州送客船
采石山頭送李白
身騎明月上青天

二

使者新從南海歸
囊無薏苡獻慈幃
自聞徹外開龍節

頗憶江頭犯錦衣

三

扁舟便擬下姑熟恰值先生不在家杖策過從王御史
城南寺裏看黃花

春風狂甚漫成

為語春風莫太顛請函封事上皇天密轉洪鈞生衆物
莫吹急雪壞豐年

次朱希顏韻

士當未用思見用不見南山夜半歌跡跋黃塵赤日下
翻思幽谷弄春蘿

送周良臣上湖州幕兼寄希顏

日晏黃堂報起衙緣溪騎馬看桃花莫翻墨汁塗春水
篆籀成文散碧紗

二

建業水惡不可飲瓢泉最美憶湖州亦欲因君乘舴艋
故人正住霅溪頭

正月戊子夜大雨

偏方未覺春寒盡驟暖先疑雨氣生一夜東風弄雷電
攬衣起坐數三更

二

昨夜水淺雀兒浴今日薰行萬斛舟人生有時會稱意
請看秦淮新水流

送蔡飛卿之維揚

眼底閱人如過雨傳來家法祇論心老翁曾對明光殿

大笑時聞趣賜金

二

送君直渡秦淮水
風急桃花飛過江
自有行人回首處
昇州山色滿船牕

題聚乘圖

收拾蘭蓀棄棘鍼
銅瓶活水注深深
國香不與凡花並
要見平生國士心

宿緜山侯氏宅

海東月明九萬里照見山頭白鶴還竹几匡牀清似雪
不知門外是緜山

贈靈岩秀禪師

北林日午煖如烘盡日溪行曲折中自愛敲冰看魚上
山頭樹影落溪紅

二

密室都無霜露氣壁間看此一枝筇平霞龕底論文酒
未信關黎飯後鐘

時思卷通求頌一源

家住雁峰南復南碧寥飛雪下晴潭曾溪一滴無多子
要向源頭活處參

通之弟成求雪屋頌

倒挽天河轉翠微玉虹鱗甲滿天飛道人結屋東邊住
愛看晴花不掩扉

偶書所感

鐘鼎山林易地難丈夫出處正相關繡鞍大馬都門道

却憶西樓看碧山

擬西軒裁竹

寬築牆圍小築園多裁修竹倚晴軒我無一點容心事
養取清高遺子孫

清明日郊行

清明處處麥風斜詩老得閒長在家遠樹小村千瓦雪
不知落日上梨花

寄張頴樂

燈前秋雨白沈沈慎莫思家恐損心夫子宮南木樨樹
有誰沽酒喚君吟

洗佩小刀

鱗甲青熒紫篋低猶能夜夜吐虹霓自從洗出雌雄劍
橋下蒼龍不敢啼

白菊

予讀古人咏白菊詩不愜予意繼作二首

香無邪氣素無緇傲殺清霜死不哀誰遣白衣來送酒
到令魂魄遠東蘿

二

昨夜西風吹汝寒、幽香楚楚玉鱗鱗。
平生屈叟嬾僂醉、不放衣裳染麴塵。

贈胡仲賓

九月風多短褐單、劍光抱月急飛還。
人言華頂峰前路、正在白雲飛處山。

十月羣飲茅屋

茅茨十月煖如烘、慰破南枝凍蠟紅。
政恐無人共料理、

却將詩句惱天翁

題丁憲使琴鶴圖

七尺孤桐十萬師
清風凜凜洗瘡痍
詞高調古無人識
惟有千年老鶴知

又題其四知圖

人間私語如雷動
暮夜如何可受金
政坐當年輕取友
故人不是不知心

微恙而臞聊自嘲

安卧書巢讀父書較量伏臘又贏餘讀書未必能成癖
伊傳諸公也太懼

望西北羣山

青處模糊白處多西山無奈白雲何詩人入細平章過
翻作岐陽石鼓歌

送輔賢出山作

儒官不畏簡書催拄杖休驚石上苔行到水窮雲起處
路從四十九盤來

二

路從四十九盤來
樹底看雲首獨回
客裏不知身是客
向人猶愛話簫臺

張顏樂詩集後

蚤歲蜚聲入紫庭
暮年白社共傳燈
香山向法無多子
可使兒童老婢聽

送人

江上晚山無數青
行人草草似流萍
水邊燈火江船發

五十長亭第一亭

次薩使君韻

鳥几繩牀詩夢熟、驚聞風雨欲翻江。酒醒憶是長蘆寺
半夜松聲繞北牕。

二

大江北岸望南岸山色微茫似破壁石馬麒麟竟何有
南公空說晉諸陵。

三

使客匆匆感歲華
杏花消息又桃花
江南佳麗春風見
柳絮樓臺十萬家

四

江氣蕭蕭如過雨
起看北斗挂船頭
猶憶前年稱使客
卧聽笳鼓入揚州

李遵道山水便面為董仲證題

銀河飛來挂絕壁
下有長江徹骨清
謫仙騎鯨上天去
應向山頭吹玉笙

新月

光中新見仙人跡桂樹初生影未濃仰望青天如止水
西頭一瓣玉芙蓉

贈潘九霞

道士自稱潘九霞身騎黃鶴大如車借我北牕眠一夜
酒醒共喫白丹砂

九霞聽松圖

不到茅山又五年煮茶更試碧雲泉山中百事便靜者

惟苦松聲攬醉眠

夜夢老人身長而我冠自稱住釣臺僕意其為嚴
子陵居亭者曰此朱元晦也夢中作詩遺之既
覺猶能成誦

赤龍飛起九天開緣底先生住釣臺昨夜月明烟水闊
白鷗飛去又飛來

東古元端上人

竹麻花牖雨聲新一榻清風不著塵石笋山中舊時客

幸來相就說前身

牧牛歌

錦襪觸破死生機歲月如流未得歸慚愧情人遠相訪
阿童惟有一牛衣

謝人送鹽

淡飯粗茶藜覓腸父書萬卷菜根香知君端是調羹手
遣送山人味最長

趙都監梅

一度來時一度看白鬚人立月闌干先生定有歸來日
要素夫君話歲寒

過王貞婦廟

山下江流幸自清山頭明月已無情此心若愧王貞婦
莫向清風嶺上行

寄朱希顏

江邊鴻雁下年年客子何由兩鬢玄七十二灘秋月白
荻花風落釣魚船

二

城中鼓擊雨淒淒
舟子牽船上惡溪
回首意中人不見
兩邊楓樹郭公啼

懷薩使君

城上烏啼欲閉門
蕭蕭風雨又黃昏
無端畫角連雲起
鐵鑄梅花也斷魂

二

二月江城未見花
笛聲嫋嫋起誰家
曲中大半傷離別

馬上無人寫琵琶

三

門前杏樹高過屋常說開時倒一樽不道花開君作客
暖風晴日與誰論

四

二月已過十五日北牆梅花猶未開今日開門花滿樹
頗憶共君銜一杯

五

月子纖纖青海頭使君昨夜過揚州城中高髻瓊花曲
去聽吹簫何處樓

祠宇觀登樓

先生長出訪丹砂去入何宮道士家不是山南即山北
款門先覓看黃花

二

鳳凰臺前看明月姓字從此落人間西風昨夜吹庭樹
又逐閒雲過別山

三

祠宇觀前剗茯苓偶登高閣眼為青西南到江三百里
只似案頭雙硯屏

舟過吳江

十五女郎可憐生牽挽百丈踏泥行洗脚上船歌白苧
春風吹過閨閣城

二

二十四番花信老溪頭紅減綠初肥東君也是多情思

盡日扶持柳絮飛

三

寒山寺裏風雨橫
柳下爭來繫客船
後到官船鉦鼓急
却驅人出索人牽

懷薩使君

人到中年畏別離
况逢多病轉相思
夜深風雨滿高竹
自起挑燈讀寄詩

題敬仲古木

高鸞不下尚輪囷百尺龍門半死生裁製仙禽酬素賞
清風流薄夜啼聲

觀鏡芬陀室

老夫問訊芬陀室人與華芬久自薰波利城中君到不
爇香長是逐風聞

題斷江雪詩

老翁忽寒作寒語寧知願作冷秋菰今日張詩向素壁
只如悵見北風圖

辨妙明善蘇帖

學蘇未有能酷似品第空門入妙神妙明寺裏雜花苑
百贊忽然逢一真

題山谷遣姚青帖

君看用意到履屐得似先生始識仁霽月光風奈何許
分明茂叔一流人

華山圖

山頭夢覺三十年大笑騎驢踏紫烟後世兒孫盡仙骨

斷除烟火學神仙

二

紫鬚綠髮如飛仙白驥偷喫種芝田二月三月春氣盛
山頭桃花紅入天

菜上人弱水頌

豈無船筏奈君何生怕無風水自波碧海倒流三萬里
手提明月上銀河

次韻薩使君雜咏

扣門人至從題鳳寫字誰憐可博鷺獨露亭中未歸客
懶閒成癖奈詩何

二

吳姝彈箏向秋月錦韁裏恨覓題詩東鄰醜婦持門戶
不顧蛾眉映匏犀

三

烏衣更無王謝宅青山好在仲宣樓南堂明月無人管
清簫疎簾夜夜秋

四

僧學蜜蜂開牖戶山中八月未知秋銀牀正換養花水
屋上一聲黃栗留

五

明月相窺憐我瘦幽雲不動妬僧間病餘無力看賓客
獨露亭南數碧山

六

秋來野水亦已落行過女牆悲古苔西日正閑鶗鴂起

北風頻薰鴻雁來

秋江晚渡

散髮卧看江水流蕭蕭天地一孤舟白蘋紅蓼斜陽外
短笛偏生喚客愁

陪觀志薩天錫二使君遊城西光孝寺

客子知寒歸未歸北風鴻雁又南飛東家借馬看黃菊
頭白山僧開竹扉

石竹

題胡元中
石竹春

山上白雲如白茅夜寒玉氣漸應高春風吹碧琅玕了

清曉西池看鳳毛

次薩郎中送蕭御史韻送薩郎中

樓上吳姬唱竹枝東風正急紙鳶飛客遊先自無聊賴
況是離人作惡時

十月庚申登舟口號

北風大浪依舟楫暫出歸來詩滿篋家人急遣箇輿迎

雁山一路看紅葉

老鶯

千絲影裏一梭金織得閒愁滿綠陰花外不知春已去
綿蠻猶自語芳心

歸樵晚渡

老翁住向溪西崦日暮溪南拾墮樵喚得鄰家人打渡
停舟更看碧嵯峨

次崇禧真人徐景周韻送茅山鎮長馮秦卿

與君遊久最知我借問誰能似我閒即買扁舟過淮去

舒州城上望鍾山

從開元寺怡光長老覓茶

踧跋黃塵赤日裏終慙觸熱到人家病起頗思茶破悶
願從君覓雨前芽

四月二十九日泊舟姑蘇臺下入城舍烏鵲橋南
姑蘇臺下牽船過烏鵲橋南見月生三更五更風露墮
誰家長笛故園情

希夷子睡圖

戶外春風作意顛落花如雪解漫天先生醉睡復醒睡
燕語鶯啼又一年

和薩郎中韻

繩牀小寐聽茶熟夢繞山風猶怒號詩來恰逢三日雪
興教寺前春水高

二

江上楊柳又青青雙櫓復作鶯鶯鳴中流擊楫渡江去
半夜啼雞非惡聲

三

客子飄零歸未得但願美酒為消憂故人若問吾消息
好說周南正滯留

病起寄伯循御史

何言痛飲即吾師病覆壺觴亦廢詩客久自應甘寂寞
獨憐風雨打牕時

二

病起無聊帶減圍看花驚有未開枝主家十二樓中見

爛漫春風祇自知

題王士讓御史所藏畫卷風雨歸舟畫卷

天昏地黑蛟龍惡風雨如山摩不開舟中自有刺蛟手
笑殺舟師捩柁回

寒江獨釣

光光明月照青天青天落落江不蓮老翁未是尋常人
一絲能令九鼎重

古廟折碑

山谷集卷八
山下荒祠山上溪繫牲斷石是誰題落日行人更回首
青楓樹裏鷓鴣啼

送茂上人

五湖春水綠溶溶兩岸花開鬪白紅欲買扁舟隨汝去
卧聽疎雨打南蓬

二

楚雨綿綿暗五湖稍看新水沒菰蒲湖中恐有隱君子
借問曾逢范蠡無

三

二月狂風已不禁天籠大野日陰陰高齋一夜聽新雨
想見城東柳色深

灤湖之水九月流出江江水春長復入灤湖
洲渚日落雁相呼春風過雨亂菰蒲江水西來百餘里
一夜倒流還灤湖

病中

日夜東風相蕩磨故應地上落紅多更須病起能拈酒

可奈東池芍藥何

靜軒

靜中萬物見天機
祇有春風闕所知盡日綠陰庭院裏

閒看科斗上盆池

送陳輔賢上柳州興寧簿

阿兒有母阿兒餡
請看林鳥哺母時
見說柳州好風土
江魚入饌老人宜

和戴舜臣樓字韻

子房老去願封侯庾亮平生獨上樓百曲青山百曲水
詩人浩氣拍天浮

遊石梁戲嘲主僧

樹底秋聲樹杪苔杖藜又過白雲堆青山縱是無情物
解笑山僧厭客來

主僧曰予豈厭客者哉求予解嘲用前韻

山頭老樹碧於苔山腳丹楓繡作堆慚愧山僧更解事
丁寧莫引俗人來

書岳法師屏

眼中
有客久不見
長見白雲成往還
風著紙牕疑是雨
酒醒忽憶在南山

宿棗樹灣

棗樹灣西亂石矼
蕭蕭落木見秋江
漁郎擊楫悲歌意
不道風吹上客牕

雷裕之釣雪齋

一絲能令九鼎重
江海廊廟皆有餘
今日天嚴風斷渡

先生談笑膾鱸魚

書所見

八口人家麥未黃白頭老婦色淒涼青裙少婦事供給
土竈烟微蘿菜香

江頭春日

江頭楊柳弄黃金柳下春江綠已深可見東風能富貴
吹將紅紫上園林

松石圖

怪底白虹成玉氣惟應塵尾影離離歲寒擬共青松說
交分寧無石友知

送虞黃萬石作天台教

赤城本說是仙家雪白山青江隱沙點染秋霜烏桕樹
劉郎誤認是桃花

二

首年曾向天台去走上璣樓看日生跳出海波三丈許
始聞山下一雞鳴

題彭生小景

江邊落木蕭條後百鳥皆生網罟悲會有春風吹衆綠飛鴻况托最高枝

次焦守贈天台老人韻

老翁教兒惟力田兩兒扶翁才及肩不知愁苦衣食足何用離家師繼前

二

白髮高顴映秀眉小兒竹馬大兒持南風轉夏小麥熟

猶說身迎太守時

八馬

黃髮白面三尺筆八馬最憐黃馬良勑號凌雲當玉輦
駕駘何意後騰驤

送江陰天壽觀吳清隱提點

仙法惟稱遠入山芙蓉城闕在人間紅霞覆地無人見
惟有飛仙自往還

行年滿百漸輕強猶說長生却酒漿身在清都看下土
更嫌日月往來忙

和宗儒縣尹見寄

為別經年望已深惟思覲面寫丹心高樓極目應千里
修綆寒泉有百尋

二

升高偵候有千回意倦隨人生碧苔忽報轎軒踰嶠過
急須杖策望塵來

賦樹下居

南溪南曲作屠蘇終愧古人樹下居
綠陰十畝人稀到惟有青天見讀書

二

跋黃塵赤日下每逢行處借僧居老夫衰甚畏袢累
欲受幽人種樹書

題放翁詩後

老翁行年幾一百畫舸長從鏡裏還想見揮毫向賓客

眉間豪氣鬱如山

竹林寺姚上人求月潭頌

月到天心無點綴
風來水面絕埃塵
寒山到此無人說
笑殺何由舉似人

題秋江送別

落盡桃花落杏花
曉風吹柳向西斜
玉闌干畔無消息
燕入尋常百姓家

次茂禪師寬字韻為鑑上人題蒙古御史墨竹

借問誰家庭院寬春風喚起玉千竿客來看竹無人識
獨自吹笙跨鳳鸞

次薩使君六合詩韻

瞿塘雪解水初迴浪觸金山怒轉雷惟有詩人天亦愛
迎船怪雨為君開

二

夢驅樞郎發船去兩舷成與蛟龍撞醒時呼童開戶看
月在青天天在江

用志能臺郎韻寄薩使君今為江南諸道御史臺

令史

駒駘傳疾趨烏府鳳凰曹貴拜清郎羣公幸自在霄漢
小子且可歌滄浪

二

金盡壯士安足惜酒多好懷聊復開昨夜東家借生馬
昇州高處望君來

為鄭自牧題梅花睡鵲圖

屋上朝來烏鵲語此生直可相隨飛月明星落春風起

應夢雙鬟翠袖歸

題外郎所藏楊補之梅卷其家有清白堂

孤影獨留明月在苦心賴有老天知君家世世能清白

爛漫春風雪一枝

題森綠堂

人言種德如種樹雨露百年初滿盈要識丈夫培養手

綠陰庭院讀書聲

高書記求為獨峰詩

曾到泰山山冢上四垂星斗白纍纍天壇路絕無風雨
雷拱蛟龍飲石池

二

先生家近扶桑島獨上山頭見月生碧海沈沈三萬里
仙人遙住白銀城

題劉商觀奕棋

局間袖手看人奕石爛海枯人不知原是殺機生勝負

機心要看未生時

題李蓮道枯木竹石圖

謫仙夜入雷電室
捕得飛來石上梭
却研靈楂掛明月
橫吹玉笛上天河

次韻伯循御史登滕王閣見寄

春風一紙至窮檐
客久祇令白髮添
別地初驚花婉婉
歸時方見月纖纖

題錢生折枝圖枝以三折為一圖前山花其色白

中黃蜀葵末金沙花即長春也

天宮自是長春手白白紅紅錦繡圓一種赤心能向日
百花不敢鬪光輝

白衣送酒圖

南鄰來餽五經酒束帶迎渠意甚真莫謂白衣田父耳
不妨元亮一流人

十二月十三日登鳳凰臺望淮南雪中諸山兼書

道上所見

雪花一丈欲齊樓人住鳳凰臺上頭雪隔淮南數千里
青山斷處是滁州

二

貂帽金鞬綠袴襦騎童自押小籜車黃金博得歌姬笑
却笑先生夜讀書

次梁有章韻

誰憐范叔老猶寒客裏薰旬酒檮乾天若無情天亦老
自調綠綺向君彈

于彥明新築南湖過而愛之

門前流水綠深深不著詩人此一吟昨夜雨來添數尺
小舟莫動白鷗心

送澤南州遊四明

高秋送子四明去正見仙人開石牕怪牒神經讀未徧
時逢白鶴下來雙

憶昇州學

至順三年夏予在昇州學官齋廬之西池水汙

漫而多芹藻菱芡龜魚禽鳥之屬兩鴻鵠時時
下之予又嘗與彥思置酒思樂亭上令僮僕下
求蓮菂還持大魚來二尺昇鼎堦下烹而飲酒
夜暑風雨涼甚追憶舊事因為二詩其一以遺
晉仲也瀲瀲復下否其一以遺伯羽公嘗與彥
思飲亦頗得大魚烹之否并貽諸君一笑

馬鬣誰翻酒一壺階前平地化為湖荷花菱葉應如拭
鶴鵠飛來定下無

其二

思樂亭前引酒壺
蒼奴踏藕作葦菹
頗哀老子無肴設
又入荷花踏鯉魚

香鼎

香鼎茶瓶只自隨
先生有興只吟詩
借居僧舍無書看
幸有東隣許一鷁

郭巨圖

自恨子騎分菽水
獨哀母老共羹藜
當時頑叔黃泉策

應愧埋兒郭巨妻

懷薩使君

憎夜還聞蟋蟀吟定知秋色上青林坐看黃葉落四五
記得題詩入綠陰

其二

山雨蕭蕭到楚回夜涼鴻鴈漸應來題詩滿壁無人看
牆下玉簪花又開

宿嶧峯間乘月登乘樹灣嶺下瞰大江洲渚明如

雪悵然懷古

野水蒼蒼霜滿衣隔江欸乃雁南飛江邊洲渚明如雪
恐是王郎訪戴歸

百雁圖

稻粱追逐不自飽風雨急難從友于雁行至性有如此
題作人間百子圖

自壽

小耳長鬚高兩顴自持青鏡照神仙夢騎黃鶴飛繞日

手弄紫雲行補天

次張義侍郎思親韻

朝會簿書官有程又騎官馬過重城
鬢間白髮三千丈盡是愛君憂國情

其二

思親欲歸餽甘旨故鄉有時夢釣遊老翁前日寄書到
但言君恩許汝酬

其三

馬上雪花大如掌黃州詩律俱老蒼劖衣女見手中線
進飯頰思魚在梁

其四

繡衣玉節遼文部眼底佳兒百不愁小闕還能致賓客
何妨老子住南州

觀駕壑船用文公韻

何人雲路駕飛船世上空傳汝濟川今日休嗔山鬼笑
論功只合鎖荒烟

金少白集
卷八
送謝仲連小關巡檢

承平已久桴鼓息事簡官清只煮茶山崦東西足僧寺時時騎馬看黃花

二

將軍乃是謝博士旌旗渡海壓殊方丈夫豈止知文字身試兜鍪鐵裯禡

送衛縣尹

秋風吹雨滴芙蓉下馬便看江上峰送者當歸船早發

縣中父老望官儂

其二

軒轅羽仗上雲霄
天上璫臺絳節朝
桂樹陰
明月出
畫屏西畔聽吹簫

靜軒卷

沈沈院落無人語
燕子歸來柳絮初行
繞東池日卓午
春風吹亂一牀書

紀夢中所賦

天高城郭散皋梨日出草木抽金銀山上無泥莫憚遠
下溝路近泥沒輪

病中

化工弄春手未滑虛負幾番花信風自倚東園花未遍
故將小病惱詩翁

其二

憶騎竹馬戲階除忽漫人前號老夫病起又添新白髮
可能幾度問胡盧

道上

雙柳橋頭春水生微雲遮日起新晴春風千里廬江道
五馬東來入大城

十五日午次下臯是夜宿柘臯

白馬郎君著赭袍中興名將屬金刀將軍快戰人猶說
道上時時問柘臯

丙子五日雪

南土冬暄苦無雨今年春雪沒行車夜深戶外如月白

金少白齋集
卷八
自起開牕讀漢書

其二

一舸真成貫月槎乘風徑去渡天河人間不用支機石
但乞天孫織錦梭

其三

廓野無人鴻雁靜獨留明月在船牕舟人若道河流急
雪夜灘湖流入江

龍潭寄孟季明

秦淮舟楫密如蠶長送行人北以南離別偏能生白髮
况逢風雨過龍潭

送馮秦卿

天下承平邊事少將軍卧治莫談兵公庭吏散無來客
自數階前撾鼓聲

二

山頭月落茅君過慎莫抨弓恐鶴驚馬上春風三十里
碧桃花下少人行

三

憶君共坐桃樹下
畫壁長廊貼彩旗
門掩落花聞玉磬
青眉道士學無為

從雪牕上人覓茶

蔗漿金椀定何物
啜茗哦詩正自佳
忽憶綠陰堂上坐
娑羅花影滿南階

瓊花觀

畫閣朱簾映小星
東風淡淡度重城
揚州十月如三月

却入瓊花觀裏行

送宋武臣尉安慶之桐城

令人作惡惟離別
今日江頭送客還
贏得秋風斜照裏
倚蓬滿意看青山

送王叔載上慈溪教

風流文采似深寧
高展羲冠慰後生
自著仲尼稱祖德
前賢制作日星明

二

深寧學聖如朱子一代文章續六經自著河汾語王道
後園莫著草玄亭

題梅

木落山空衆草玄美人明月與為魂北風遮莫春消息
吹得雪多花更繁

送法璣首坐天則遊四明

僧來每說三山好獨乘舴艋過東湖育王寺裏風雨橫
投宿田家滿眼沾

二

鄖嶺山多蘊麗名曾宿山頭看月生照見齊州烟幾點
須臾山下一雞鳴

示郭奇童

奇童十歲事遊學五湖四海濶於天願兒拒戶習靜坐
黃卷中間面聖賢

題蘭

是誰識得幽花意解道風和輕重香月地玉階今寂寞

猶餘麗句斷人腸

送宋武臣之桐城

欲霜江氣已颼颼鴻雁南飛木葉愁好為故人連夜飲
平明笳鼓出揚州

用觀志能韻寄薩使君

杏花落後見辛夷烈士無歌憶別離春草池塘蛙吹早
斜陽巷陌燕歸遲

過賈元實宅

共過故人溪上宅春風野水欲綿綿先生半月無詩思
恐有新詩在雪邊

趙汝甫枯木竹石卷

中林黃葉淨沄沄眼底崢嶸見此君清曉東池看黃菊
鳳毛無數落春雲

姑蘇臺

閭門楊柳自春風水殿幽花泣露紅飛絮年年滿城郭
行人不見館娃宮

題拒霜鸚鵡

涼月紛紛露脚斜
守宮紅滴拒霜花
翠襟相向愁清絕
敢怨春風只自嗟

題桃花鸚鵡

祇因充貢貯金籠
自然能言入漢宮
眼底碧山歸未得
杏花歲歲屬春風

題觀奕圖

當機慎莫弄精神
黑白由來辨未真
笑殺臨枰爭勝負

輸他縮手袖閒人

次韻薩使君雜詠

闋

萬古情夜聞林竹墮遺笙寧知擊鐵高歌

闋

牀頭竹脚鐺

二

闋

楚尾望吳頭倦依秦淮賣酒樓清夜忽聞鴻雁

闋

呼明月伴人愁

題吳孟思八分書黃庭經後

嫵媚無邊王右軍黃庭未省博鷺羣綠陰清畫城南闕
夢見文姬臨八分

舟過吳口

昨夜南風開夏闕江邊野花香入船道上行人去如蟻
匆匆不解惜流年

題劉萬戶用中所藏馬圖

天殿駒駿馬有神牽來但有氣超羣龍駒川上春風闕
蹴踏龍烏上紫雲

五峰集卷八

欽定四庫全書

五峰集卷九

元 李孝光 撰

七言古體

湖山八咏

沙頭酒店

陌頭楊柳金蟲落雨過桃花香漠漠沙頭小市類新豐
阿姬十五當爐營縷金半臂雙鴛鴦杓銀釧喚客嘗

嘶殺門前五花馬
羅敷有夫空斷腸

山頂樵居

隱者辟人如辟虎
山上衣冠自中古
長老嬉遊類小兒
一生不識持門戶
南山阿婆許嫁女
北山老翁自迎婦
野花竹葉並銀釵
山下黃金賤如土

秋江漁火

八月九月風氣肅
白波如山楚天綠
蒼蒼夜色入蘆花
船泊中流燃楚竹
夜半起坐寒颼颼
遙見驚飛雙白鷗

鱸鰈尊羹入我夢扁舟去趁三吳秋

曉寺僧鐘

大星煌煌小星落城頭烏鳥吹晝角機心暮夜伏不行
鐘鳴一聲羣動作市人射利坐待旦居人日晏呼不覺
嗟嗟居人未足多鐘兮鐘兮奈爾何

竹引流泉

山頭窪尊積冰雪銅瓶持歸療飢渴汝家阿母太憐君
斬竹來從虎豹羣傳聲夜落青雲濕坎中已作糟牀泣

金少川集
卷九
回首碧山心獨苦行逐蛟龍作雲雨

木檐蔽日

綠氣濕濕闌干北赤鳥欲下嬌無力解衣磅礴忽倦卧
蒼鼠時行壞屋壁客子觸熱不自憐此豈有意清風前
屋頭夜色如霜雪却向溪南見明月

龜嶼迎潮

玄靈吐納日月光軒輊大海鼓其陽海枯石爛不得死
甲間綠髮如尺長昔年洛書薦神瑞攻車獨見收文章

天球河圖在東序豈久置汝南海旁

石亭避暑

南山石檻跨絕壑有飛輦者誰所作女媧補天或見遺
往往天陰構冰雹天上大火伏不流南山草木含清秋
老夫衰年畏炎熱朝來忽念山中客

鑑湖雨

越角鑑湖三百曲雨餘曲曲添新綠八月九月風已高
詩人夜借漁船宿漁翁城中沽酒來筐底白魚白勝玉

當時賀老狂復狂乞得鑑湖此生足

和叔夏寄童質夫

溪頭春水綠欲活溪上行人馬蹄滑溪山周匝空翠香
駐馬看山惜不發有客有客蒼髯肩蘭襟蕙帶光參差
手擣鯉魚壓清酒勸我且復留斯須道傍廢垣蘚花裂
昔人富貴春雲滅此時不飲將奈何為君醉倒溪頭月

題青山白雲圖

江氣颶颶如蛟龍曉風吹老金芙蓉神女凌波洗雲去

莫為行雨陽臺東朝來白雲散白石小姑娘眉翠欲滴
老蛟化作白歲翁彭郎磯頭夜吹笛

秋曉角

青天蕩蕩吞孤月衆星熒熒明復滅城中雞鳴如蒼蠅
城頭畫角哀鳴裂八月九月風驚沙窮邊夜夜吹梅花
四方無事卧笳鼓行子何用思還家

賦絕照法師所畜硯屏山水

東風日暮吹蘭藥美人相思隔江水九疑青落九州外

白雲飛高明月死海邊八月客星來一尺銀河三萬里

墨梅

銀蟾呵春墨花碧香落江南濃欲滴孤山招得老逋魂
白鶴歸來楚雲黑王孫歲晚客京華衣上繙塵深一尺
小姬未嫁怨東風夜夜高樓吹鐵笛

山宮觀瀑

山宮寺前瀑布流直下千尺垂林丘山僧無燈靜欲死
夜氣如月空中浮黃河崑崙何壯哉鬼神牽挽天上来

先生藜杖來照影白髮千丈空崔巍

送楊明仲

江南老春濃壓酒神藍接綠營東柳風吹落花飛入城
行子思歸百回首越雨洗江鴨頭碧舟子牽船踏沙磧
莼花香冷楚鶯鳴比戶琵琶呼礮礮夫君五夜夢封侯
城中狐腋高於丘泰山桂樹年年綠鳳凰踏玉聲啾啾

筭

雷公躡蛇夜鼓噪驚起龍孫觸旌纛炎沙燒之修尾脫

六丁控搏忽顛倒砍落不落虎豹皮錦裯嬰兒籠大帽
斧斤幸貸凌雲姿留以觀渠歲寒操

墨竹

蒼髯老翁鱗甲香力能拔山補青岡池邊日日吐雲雨
道人牀敷夜氣涼道人嗜睡莫勑甥阿翁勸爾以一觴
天邊石上有髯客看汝巉龍頭角長

寄友人

河邊老人念我出遠寄京華書一行為言白髮今多少

又報南園竹樹荒門外石田稅稻熟犢子新生子如鹿
莫戀官家有俸錢長年作客闋如東

龍鼻水聽琴為劉芳在作

玉笥仙人鞭白犀天風吹度芙蓉溪手脫長劍洗妖血
驚起石上玄蛟啼炎沙燒尾鱗甲赤腹中慘淡蟠雲霓
頑鐵冶出太古色霜露欲結風淒淒老翁摩挲莫驚汝
置之膝上聽其語大聲伏雷鳴地中小聲颯颯吹風雨
阿香辛苦玉龍睡收霆捲電還元氣領底明珠忽迸落

金支羅襪凌波去江清雲暖天無風暗潮自撼黃銀宮
紫鬢玄甲卧不動真翁龜息深至踵大笑欠伸忽飛起
清月蕭蕭在秋水君為我起扣其角我亦長歌返其樸
却騎過海呼安期送君七尺珊瑚枝

覺此山和尚新住持雙峰作此贊歎之

雙峰矗天佛頭碧雙峰挿地滄海黑道人入山作化雨
藍玉亭邊深一尺光明白艷紅鬟衣說法香南連雪北
紫皇香案九重天日照麒麟生五色

和薩郎中秋日海棠韻

念奴彈折鷓難索君王正在彤雲幙內官連夜豎花旛
苑中明日東風薄妖環生作傾城姿開元始承恩澤時
麒麟障泥紅叱撥七寶作燈黃金羈金烏東來啄大屋
宮中猶報睡未足翠袖皆空守宮血專房唯詔環兒獨
七月七日天無風玉蜍吐漬耀瑜紅錦官進錦裏金鉢
紫罽車八長生宮驪山瑤池行幸處秋風吹老珊瑚樹
九華遊魂歸不歸應憶仙人掌中露草木腥腐終無情

美人薄命如花輕古聞公桑祀神娥安用絕色能傾城
馬嵬岡頭斷消息去時彩雲化為蝶莫歌玉環能涴人
君看黃菊真顏色

宿雁山下作瀑布詩寄徐仲禮

金臺刺天一萬丈湧出海底開青蓮下有三千六百地
軸相鈞聯壓遍東南地欲折白龍捲海飛上天雷公擊
鼓馮夷鞭龍驂入江化為石巨靈扶起太古色應真晏
坐天人來十八招捉若幻出長風吹開天骨碧

張葵齋所藏江山風雨圖

元氣固龜生蛟龍銀河倒挿金芙蓉九疑正在九州外
碧樹悄悄連丹楓上有萬古不死之明月下有掀天巨
浪之長風有客有客陸龜蒙往來江南成老翁天地無
窮屢回首放船去踏上江上之青峰船頭十日懸青雨風
拔銀山映萬戶山隨沒鶻落中原水作巴蛇走全楚向
來英雄定黃土空遺絹素留今古天地一合如金甌萬
歲千秋奉明主

次三衢守馬昂書壘韻

主人歌且止聽我為爾歌作壘不厭小買書不厭多地
上小兒喜夸大眶眦生怒如瞷蛙先生書壘止類巢不
樹長戟薦橫戈清淨如與聖賢遇高明屢煩神物呵却
笑飛仙十二城鬼功日夜長琢磨其南通丹穴其東蹴
女倭北引崆峒挹酒之長柄西收西漠專車之木禾嘯
歌聚族無不可祓除安用索與儻羽衣伏妖踏白茅朱
鬢善幻言咤囉而我先生不語怪二氏羞伏面發酡我

壘何所有但聞詩作魔雕鏤奪天巧雅淡消衆疴戎壘
何所有地窄安不頗惟有屈宋字文聲鏗然相戛摩戎
壘何所有而蓄禮士羅羅致盡俊傑往往爲么麼戎壘
何所有而無白馬駛羣書汗牛馬不涉流沙河戎壘何
所有而有太白力士靴著鞭見天子竟往金鑾坡戎壘
何所有而有韓公紫玉珂通籍引金闕不愧國老矯先
生寧鈍不爲銛寧方不爲鉢竊聞先生骨已朽空教衆
語漫縷覩春秋訛字變亥豕宋楚方言作箕蘿後來繼

者浸滅裂何其嬰亂相過唆紛紜百鳥更啁唧安知清廟連猗那勿言我壘狹不用草與兼容膝志自足吾其敢蹉跎問字函丈間吳快續四科勿言我壘小日月纔一梭往來雲漢上飄忽若輕蟻組織成文章飛揚如女蘿中心若止水水上元不波深如相公讀書屋大如堯夫安樂窩可以扣我匣中之飛景可以理我鄰上之雲和絃歌以解吾心之蘊結彈鋏以解吾愁之誘罔如蠟而不輜如舟而不舵高如鶴鳴垤矗如蜂房渦又如仙

人宅初拔又如野處禮不苛又如橘中飲來去又如樹
間坐以城如蓮移偃蹇如藻井駁娑又如探虎穴又如
封蟻柯客至足周旋高論如切磋坐以曜瑜席酌以鸚
鵡螺佳兒引銀艾諸生避蓼莪開籠放白鶴臨池看白
鵝張具設鱸胾中廚營餌鑼綠腰唱崑崙蒼頭彈鼙婆
屢歌明之君舉酒叫姮娥豐草露湛湛流水山峩峩人
生意氣足可惜奈此明月青天何昔者介推胡為乎自
焚于綿上屈平胡為乎自沈于汨羅何如先生日高官

事了登城照影清江沱日課作詩三百首翻憐筆更傳
寫訛丈夫作事要磊落布衣狐腋皆委佗海濱白首釣
鼈客清秋策杖相經過

送達兼善典僉

江頭風多花暗天舟子擊鼓牽官船繡鞍大馬來如烟
學士翠鵲袍領妍袖中三尺軟玉鞭手揮送者日在山
隴西男子更致言東方民力願少寬達官擔橐橫索錢
先生歸到明主前上言赤子天哀憐仁人在位如解懸

大臣不讓卑夔賢天下畫一徽張絅未將俎鼎烹小鮮
如吾但願興力田眼見霖雨開豐年牆下飯牛蒼花圓
次歐陽公效孟郊體用綠字韻題慶上人萬竿圖
白石如白羊起跪變化速芸芸釋龍離身與雲俱綠嗟
哉兩神物曾不受追逐我有橐中方因之試餐玉袖中
釣鼈手十年夢漁屋鳳凰千仞姿未省一枝足自戒見
此君夜夜翻凍砾踏倒山中玉板師春風大笑成三宿

送周子善上金華教官

二月已暮江水深春風吹折行人心山頭明月落未落
杜鵑夜半莫哀吟泊船上有青楓林

其二

三月欲來花繞陌又唱銅鞮送行客男兒莫爾可憐生
男兒生身好顏色拔劍起舞難鳴柂

茅山謠送鄧上人

道人兩鬢青如蓮大醉上山捫青天青天蕩蕩玉盤出
引手舉盤天上懸銀河傾倒桂樹影長風吹香落丹井

地上小兒霑玉馥白兔急搗玄霜熟愔愔仙家十二樓
夜半起拂跋烏浴手招茅君叫列仙帶劍上立紅雲前
茅君騎虎上天去道人乞我明霞篇

五峰集卷九

欽定四庫全書

五峰集卷十

元 李孝光 樞

七言律

次存厚周先生曲肱亭韻

曲肱亭前花木深
紅塵宵受一毛侵
息龜不動養夜氣
化蝶相忘伏午陰
富貴浮雲天地醒
胸襟霽月聖賢心
南風一枕負清夢
竹裏煎茶沃醉吟

次國性菴韻送之入雁山

竹杖彭鏗響白雲山之南北水之瀨玄猿白雁愁行客
紫氣青霓下應真藥老雲根幾萬本山開石髓又千春
却還有客來相看已與先生隔一座

和蔡石雲縣尉登西岑

西岑路滑不可上我此曾揩六尺藤塔頂雲凝明似鶴
松根石老瘦于僧玉簫冉冉飛春縣畫舸耽耽颭夜燈
聞有丹霞舊門戶欲參大意喜誰升

寄王真人

天上初分玉筍班
鞭鸞笞鳳入名山
輕輶紫氣浮闕近
雄劍紅光照海殷
風露吹香台雁北
星辰含潤斗牛間
隨龍羽翼多雲雨
乞洗平生太樸顏

賀梅

水落山空百草乾
天宮玉女耐高寒
松根雲暖客吹笛
竹外月高誰倚門
歲晚王孫猶怨色
天寒公主欲歸魂
北風端是春消息
吹得雪多花更繁

送王元鳳

並遊英俊盡已貴夫子猶淹命世才老去勛名空汗竹
平生論議只鹽梅江南野水帆千幅稷下秋風酒一杯
鴻雁南歸江漢落卜君到日寄書回

天香閣

青腰神女跪焚香花雨繽紛七寶牀玉白雲英生藥氣
冰壺寒露激天漿珠簾弄月秋先到青瑣含烟夜未央
為爾題詩向丹笈急驅白兔搗玄霜

宿攜李寺次韻三過堂石刻東坡所遺文老詩

雨花閣前雙桂樹小雲積翠完重重西臨大野羣水走
南望連山隔海空想見勾吳爭霸主遂令攜李記前功
吾家正住瑤臺下看浴跋烏渤海東

二

城上烏啼犬吠村泊舟來打了菴門先生三過真彈指
狂客重來得共論坐定却呼諸子見酒行猶說丈人尊
君家好客多如雨一嘿何如發萬言

三

三過堂中舊遊客飛鴻踏雪已難尋
錦襡何物闊生死
玉帶誰言閱古今
明月隨人寧有意
白雲似我少無心
平生鄉曲維桑梓
春酒無辭百罰深

胡節婦

同穴從君結髮時
忽逢中路見孤嫠
獨哀夫沒姑當養
不顧人言婦有知名續乘車修烈女身傳手澤與佳兒
東鄰日暮歌黃鸝
得似共姜誓死詩

送王憲使

繡衣龍節下霄漢早晚即歸明主前江海獨驚華髮在
風霜祇見菊花妍行舟白鷺山山滿落日汀雲樹樹懸
有客嗟然慚未至當憇三歎理朱絃

泊舟姑蘇臺下

霸主吞雄事莽然空遺陳跡向千年天寒笛起孤城裏
日暮舟行積水邊萬里飛鴻如識路故園黃菊不勝妍
吳王臺沼連衰草惟有西山出斷烟

治城飛龍亭詩卷

翠蓋鸞旛殷繡牆
南公揮涕話先皇
鴻宮望氣成龍虎
法駕吹簫引鳳凰
今日畫圖看御幄
當時草木識天香
先生曾對明光殿
奏報新松似鶴長

次黃蕙卿韻

黃自號
服蘭

漢南五柳此班荆
萬象森然闕
石間紫岱出雪霜
盟約歸璜佩離憂
色譜列朱絃太古情
昨夜涼風遠天末
浩歌忽憶楚修名

次韻薛公三衢石橋

石橋風雨碧冥冥天上神官隔九京吐蜃斜連銀漢白
垂虹遙度翠雲平偶隨木客來看奕逢著仙人不問名
便擬提攜九節杖爛柯山上訪先生

二

丹梯路絕倚玄冥上帝高居在紫京定有編書在黃石
欲將神怪卜君平鶴歸日暮銜松子人住山中識藥名
笞鳳鞭鸞在何處遙應隔海叫期生

三

赤斧丹城跨紫冥上天官府玉為京雲含雌虎朝先見
雷狹黃虬路未平采藥老翁猶避世銜花幽鳥自呼名
若逢仙子休看奕乞授黃庭學養生

送青玄觀道士玉泉

淮南道士傳鴻寶眸子照人雙電光貫日白虹生玉氣
出山青髓射天漿去年踏雪尋丹井連日題詩滿畫廊
長憶青玄送客處柳花無數繞衣裳

送張生

工祝駿奔闢主在奉常最貴九卿卑前聞白士櫟周禮
遂共清郎習漢儀騎冕孝廉驚估客屣迎逢掖矢羣兒
難兄天上司喉舌願試君家千里姿

玉林卷

天遼龍宮月月低鸞輶曾駐洛城西龍光午夜入牛斗
玉氣千歲生虹霓承恩已報紫旄節受詔屢入黃金闈
神媛仙官守桂樹東明碧縷自天題

送王愈憲

使者樓船鼓三疊猶見車前白鷺翻休嗔惜別犯衣袂
他日與誰沽酒醪龍蛇未蟄江水壯鴻雁欲動秋風高
槐樹東頭讀書處更憶君家雙鳳毛

送仲亨文學精舍山長

子合談經上石渠更從文學住精廬到家為覓言偃宅
弛擔先藏笠澤書日落青天猶過雁雪消新水欲生魚
傳聞聖世求遺士倘召君乘謁者車

挽熊天慵先生

歸來白髮照江湖伊呂平生亦釣徒八代文章惟子在
百年禮樂要人扶身騎箕尾神先見夢覺龍蛇歲已徂
幸自有書遺手澤鳳毛後日色敷腴

遊雙峰贈覺上人

茶具酒壺從兩童入山慎莫作匆匆雪清新水鴨頭綠
沙暖小桃猩血紅吾意人生行樂耳只今杯酒與君同
依依藍玉亭前路他日重來憶遠公

和元澤見寄

平生豪氣欲消磨坐對長松盡日噦功業向來芻狗耳
丈夫政爾奈天何眼看孺子分符竹耳厭鄉民怨老禾
忽遣新詩相料理天孫自有織雲梭

次韻送叔夏

陳生蓮菂出泥香張老調高含徵商來日燕翻芹雨暖
別時人趁稻風涼闕頭二客嘲蘆杆乞巧諸郎具酒觴
日暮西風過鴻雁莫言無使問真長

為吳宗師題高年耆德門

秀眉鶴髮度期頫膝下兒孫錦作圍賜酒金盤通藥氣
高門銀榜散春暉天文清潤三辰正聖闕神明二老歸
萬古君家敦孝友垂魚玉帶出深衣

代送人

別離未是尋常事要見丈夫兒女情太傳中年猶作惡
阿蒙三日即知名北風鴻雁天籠野落日牛羊路遠城
我亦平生四方願先生未可辨歸耕

和王修竹時思菴韻

山公風流日遠矣還向山中問葛強補樹老雲晴亦雪
栖崖殘瀑夜何霜九原父母不可起百世子孫清德長
竹色蒼寒風雨夢只應魂魄尚思鄉

二

遁人舊住雪巒旁瀑布穿雲千尺強虛室天光清似月
陰崖夜色白于霜移來怪石欺僧瘦種得新松共鶴長

石鼎煨茶歡客

闋

送劉起宗御史內除

身著綵衣依日月手分龍節藉光榮喜聞主上收賢俊
復見朝廷用老成四海清風生玉樹九天甘露凍金莖
袖中自有補袞線要與天家建太平

登平山堂故址

令為司徒廟

蜀山有堂已改作騎馬出門西北行日落牛羊散平楚
風高鴻雁過三城山河已失金湯固汗竹空遺帶礪盟
駱駝坡頭孔融墓令人憶爾淚縱橫

寘磁甌於硯池旁以蓄水十餘日前得桂花二枝
挿瓶中數日花葉皆萎落戊辰早乍聞香氣滿
室視之兩枝皆再作花葉亦鮮碧佛書云天風
吹萎花更雨新好者感之為賦詩云

六六畫欄生晚涼青鸞對舞渡銀潢十分天上山河

闕

萬斛人間雨露香珠佩風清生

闕

玉壺冰薄吐蟾光

白銀宮闈紅雲合金粟繢紛七寶牀

入三茅山夜宿白雲觀贈沈紫玄

山有神靈氣鬱然茅君騎虎蔚藍天自擔詩草看雲去
莫剪燈花聽雨眠白鶴空悲羈塚客青牛猶見渡闊年
五峰雙澗連飛閣聞說留侯更學仙

寄王虛劉尊師用趙涼公石亭韻

三見重瞳列紫庭還山更笑客居亭雲中雞唱飄金磬
未杪人行渡錦屏未語察微談補謐終憐宣室問先醒
石間泉水冷徹骨長照真翁鍊鶴形

二

玉池曾和白雲謠
歸訪雲林洗鬱陶
碧海生平超李契
香山歲晚說劉豪
袖中龍泣翻青雨
門外風高偃翠濤
勺水祇因人物在
孤舟明月掣金鼈

用前韻寄張尊師

鴻雁南飛草木零
放歌重上草玄亭
坐深狂客俄吹帽
語久清童屢觸屏
晏歲風多衣自短
空山月出酒初醒
江南客子歸來得
漂泊何須影問形

自信文章凌鮑謝兼聞詩律逼韋陶雲霞此日交何懾
湖海平生興太豪麌纍蠟肥吹怪雨松肪酒熟渺雲濤
世人未識能題鳳名刺何妨作釣濤

為范以善賦雲林清遠圖

九老紫都青鬢然神峰鼎脚上蜿蜒風高碧入金莖露
月出青回玉樹烟獨鶴飄颻渡滄海大鵬決起負青天
總中夜看跋烏浴一笑吹笙引列仙

次吳宗師韻寄趙閒遠真士

天光水鏡忽同流却憶吹笙駕玉虬雞下五更知旦氣
鶴歸千歲間天遊白雲為放神峰出落月能兼河漢秋
會見仙官陪紫府却逢明主對青丘

次張伯雨韻寄徐間遠真士

好閒還尋幽子廬習靜自與外人疎牛羊半下日夕後
鴻雁大來宿雨初黃菊未疎急釀酒碧山可數聊停車
眼中之人美無度十日不見九寄書

又次張尊師韻寄沈紫玄

學仙何曾拔宅去
習靜誰能與世疏
月下鶴雖隨母夜
屋頭梅樹欲花初
天隨杞菊甘勝肉
東里杖藜安當車
正欲與君同樂事
不辭書後更題書

二

論交已與古俱妙
為別寧嫌跡轉疎
風雨登樓魚素裏
江湖行李雁聲初
丈夫有志更彈鋏
他日相逢會下車
清曉關題還建業
歸來就月理殘書

登石頭城

登高悵望謝家墩千古風流酒一尊城郭已非空故國
英雄垂盡只遊魂天圍建業山形斷日落淮南海氣昏
未信浮雲能蔽日欲占北斗問乾坤

二

石頭遺堞滿蒼苔前日英雄安在哉芳草離離為誰綠
野花漠漠向人開鼎湖雲暗龍先去建業城荒鳳不來
二月江南梅未發北風日夜漲黃埃

金清叔為其友人某求夏梅岡挽詩

人說先生是漫塘風流儒雅未俱忘山林白髮空新氣
徑路黃花只舊香勝作唐詩傳衆口獨操周禮付諸行
杖藜若步佳城路應見梅花為斷腸

過
閩
墓

何日先生起九原已將靈氣返山川論詩轉覺庾陶近
佐主終慚稷契賢拱木笙竽猶落日荒丘翁仲只寒烟
當時故物青山在說到英雄意惘然

都江寺擁翠櫻

縹渺新居一握手天好山將綠到樓前烟霏入闥清談塵
紫氣薰人濕坐氈未放白雲分榻住愛看青雨映簾懸
自憐華髮江南客也為登臨憶仲宣

元日陪趙相國家宴

紅光瑞氣起矇瞳元日樽罍對上公轉午東風生渤澥
指寅北斗直崆峒天垂紫蓋黃旗外人在瓊林玉樹中
喜觀承平新氣象三朝合侍大明宮

壽平章涼國公迂軒先生

黃髮虬髯社稷臣手扶七聖轉洪鈞初迎年至收霖雨
遂遣人間識鳳麟紫府微聞珠佩集紅雲下覆袞衣晨
天令元老培皇祚玉女神官守大椿

送伯循御史天錫照磨至龍灣留別

西日杲杲馬蕭蕭君行不行手屢招舟人夜語見月出
客子別愁須酒澆霜天欲雨鴻雁去秋風未落河漢搖
寄語揚州張仲舉月明何處問吹簫

謝轉運判官張公口號

新分全節來天上即見褰帷下日邊汗竹勲名優大節
鹽梅議論見名賢小人終畏王紘在使者無踰子駿先
亦有渡民要蘇息願將仁氣洗腥羶

同吳明之在靈峰作

人言萬壑爭流勝故作雨中藤一枝楓樹朝來青鼠出
竹根日暮白鷗飛要看雲起水窮處政在峰迴路轉時
莫道白鷗機事少只令野老亦忘機

次陳輔賢遊雁山韻

竹杖梭鞋去去賒一春紅到杜鵑花山椒雨暗蛇如樹
石屋春深燕作家老子行尋靈運宅道人喚喫趙州茶
明朝塵土芙蓉路猶憶山僧飯一麻

鵝

胎化有鳥今千年俛啄璠枝飲醴泉縞帶長身通夜白
丹砂塗項入秋圓山空蕙帳客初去月落竹房僧未眠
高氣出塵如玉雪長風萬里趁飛仙

題師魯菊逸卷

十年種菊東臯下為愛清香更不衰晚節未愁霜露迫
苦心終與歲寒期南陽身後成何事彭澤歸來祇自知
見說大官憂轉劇平生匡濟欲誰為

發舟錢塘

五年羈客留荆楚今日江頭把繡衣鴻雁欲飛天氣白
蛟龍晝蟄水妖微彈冠終坐王陽起敝褐何年季子歸
一舸南遊真勝事幽期未與故人違

次達公晚過釣臺韻

杳杳青楓江水暗客星遺廟映江花空聞使者來持節
猶有祠官裸聚沙平日故人多禮數終身高誼厭紛華
漢家九鼎如山重霜露淒然在美葭

春暉堂

老翁種德百年強眼見諸郎復宵堂日繞大椿初轉午
雪融萱草自生香牕前鶴髮迎春好庭下鳳毛隨日長
慈母殷勤手中線他年願補舜衣裳

送吉希政赴諸暨同知

父書更遣讀龍峩門戶子今擁節旄青海神駒含駿骨
赤霄威鳳疊奇毛懸知貳守分符竹坐使豪民賣佩刀
錦纜牽船渡江去到州明月已應高

為陳師復賦喜白髮之什

畎畝平生足憂患愛將短髮照滄浪意憐得見從渠白
却笑緣愁祇自長秦羽終慚頭有幘馮唐未負老為郎
角中小製聊容世漫向春風舞欲狂

避風龍潭五日登岓即事

建業放舟下京口候風三老正高眠歌長且復忘羈旅
遊遠何如歸力田茅屋晨炊繫牛犢叢祠社祭落烏鳶
故鄉風物渾相似祇憶南溪踏釣船

冬至

造物何言播大鈞又迎南至嚮初晨天開黃道三辰正
日轉青雲萬象春始復已知涵太極乾坤元自有深仁
相君設醴珠林館眼見梅花一笑新

送客

攜手出門倍惆悵北風吹樹丹楓林柵中雞鳴天地醒
城頭雁去江湖深行人萬里稀歸夢烈士向來多苦心
東西相望道路永一書可抵雙南金

送人還鄱陽

東西湖水百花洲行子歸時雪已收明月可能隨客去
浮雲自足使人愁重來柳樹應千尺相見梅花隔數州
我亦高歌望吾子春風好在仲宣樓

喜聞開經筵口號

封事如蠶照綠玉九闕虎豹靜耽耽天垂赤縣神州外
地入黃旌紫蓋南明主飛龍當位五重臣賜燕拜恩三
喜聞經幄延黃髮致主唐虞政不慚

同薩使君飲鳳凰臺

鳳凰高飛橫四海錦袍猶賦鳳凰遊天隨沒鶻低淮樹
江學已蛇入楚流勲業何如飲名酒衣冠未省望神州
天涯芳草萋萋綠王粲歸來更倚櫓

次薩使君登石頭城

西州門外石頭寺共說英雄綠鬢凋王氣黃旗千歲盡
水聲廣樂六時朝白龍裏壞埋珠柙玉燕釵飛墜藻翹
重到謝安攜妓處維舟寂寞聽春潮

送國侍者

離別還同箭離弦題詩修竹記他年蘆人楚語時相問
估客已歌也自傳遙望牽驅上南斗正逢飛雁出青天
綿綿遠道勞歸夢忽見梅花意惘然

舟中上趙相國

錦衣繡轡向秦川
有客將離獨黯然
日食猶分瓦相餅
傳呼自愧孝廉船
春風候雁青天外
暮雨行人積水邊
因過清湘問欸乃
楚儂此曲至今傳

泊舟銅陵縣下

銅陵縣前風已急
鷗首凌波破石陰
日送飛鴻知北鄉
夜聞羌笛起南音
地通三楚青山斷
天入九江春水深
五段敢忘今日貴
相如自有白頭吟

正月十四日夜宿巢縣

旅食荆吳改歲年春風遠道思綿綿青山故遠周瑜墓
明月猶窺亞父泉楚縣城荒惟畫角灤湖日落有歸船
天涯芳草萋萋綠想見登樓憶仲宣

松風閣

上方碧氣隔塵寰絕頂歸然丈室寬風雨夜深珠佩語
江山秋淨玉笙寒老龍抱月鬢猶碧獨鶴驚雲夢欲殘
會得無聲無住相曹溪有色上闌干

送鄧縣尹

秋風吹女鬢成絲移病還家竟不疑官似伯強曾補處
身如元亮已歸時青山老去渾相識黃菊平生最愛知
我亦相從上吳會夕陽騎馬看殘碑

題本覺寺空翠亭

琅玕千畝映江渚天籟沈沈欲下來已見鳳毛沾雨露
長疑龍氣挾風雷樹團車蓋春陰合月射金銀夜色開
中野白雲如白石不辭一日到千回

送郭子熙歸江西

我來錢塘住三月又識南昌郭子熙好古大類歐陽氏
作歌令無韓退之曾見魯晨援赤制還尋唐刻問苓芝
買船持女渡江去秦望禹穴故多奇

十六日宿蕪湖縣

蕪湖縣南泊船夜欲霜天色已蒼蒼雲山欲曙江流紫
洲渚初昏燒火黃自笑頭顱向華髮尚為羈旅適他鄉
東船西舫無人語可惜牕中明月光

喜雨

次神宇韻錄
呈達兼善

繡衣持斧後猶新又為人間洗火塵符節歸巡九江郡
函香行禱獨山神沾塗宿夢回清潤採掇嘉蔬訝碧勻
天上于今待霖雨鳳池花柳不勝春

二

淨洗煩冤六合新清晨沙路絕囂塵泰山自古興雲雨
淫祀何勞問鬼神淝水急流舟欲起漢湖浮黛畫初勻
客遊却憶魚羹飯歸到江南及暮春

客孤山

孤山山中筍蕨香
孤山山頭月湯湯
桃雨洗除脂粉氣
柳風醞釀麌塵黃
江山有待詩應老
天地無情客謾狂
行李蕭蕭明日發
烏鹽角外轉淒涼

次韓希古觀燈韻

大城春夜氣瞳曨
燈大如霞翠欲空
牛女含星雙闕上
湘妃弄月五雲中
電燒魚尾蒸天紫
山湧鼈頭照海紅
北斗南頭有詩伯
九天珠玉吐春風

和張顏樂秋夜聞蛩

西風蟋蟀共悲涼病木飄殘托腐腸鄰媼秋來借燈火
行人夜語怨參商啼殘紅葉催霜雨吟傍黃花飲露香
商摧秋風與秋月腹中那有許雌黃

二

候蟲磔磔語新涼大耐平生鐵石腸茅屋清秋動機杼
土階永夜答宮商雲深過雁稍鳴瑟月黑飛螢度篆香
遮莫丁寧驚嬾婦曉妝猶愛理花黃

和人遊雁山家字韻

北雁山中路詰曲夕陽木杪見人家筍輿穿樹驚霜葉
銅杖敲雲損土花白雁秋高還蕩頂亂螢月黑出簷牙
多多但得皮膚耳出外逢人莫謾誇

二

峽中鐘鼓十八寺山腹茅茨三兩家雨後亂溪青似髮
霜前病葉赤于花懸崖萬仞塗猩血怪石千株錯犬牙
牢絆芒鞋行一月出山慎勿向人誇

入雁蕩山

興國年間路始開前朝碑墨見蒼苔雁橫蕩月驚寒到
僧踏湫雲看瀑來一嶺纔教靈運識萬松都是了翁哉
此行曾與秋風約說與山猿不用猜

予早作堂南戶二蚊止余足聽厭其欲而驅之其
一颶去其一伏而不飛蓋貪而不知止者遂撲
之因託以詩而警夫貪墨者

利口端能作禍樞來從下土即紛拏飽思颶去僅免死
貪不知休或殞軀去楚原非愛醴酒假齊終必化梟俎

二蟲得失寘勿論門戶碧山如畫圖

牡丹

富貴風流拔等倫百花低首拜芳塵
畫欄繡幄圍紅玉雲錦霞裳踏翠裯
天上有香能蓋世國中無色可為隣
名花也自難培植合費天公萬斛春

題雁圖

蒲葦冥冥秋正疎江山渺渺更愁予
颶風吹影橫青女落月收聲望白榆
夢寐平生縉緲遠頭顱萬里稻梁初

前身定是曲屬國曾見卑栖雪滿鬚

與郝萬戶

貂蟬奕葉舊衣冠玉雪精神鳳羽翰驥驥已聞開道路
衣裘自可護風寒平生翰墨殊相識老大功名轉耐看
燈火新涼評麗句城頭北斗又闌干

道適句章艤舟曹江入謁曹娥墳廟

仰天誓下殺蛟魅敢擬濤江得父回從古生民皆有死
獨聞孝女自興哀巫言先見清風起神降惟同夜月來

遺塚斷碑秋雨裏枉教黃絹忌雄才

為栖霞道士陳玄儕賦蟾宮

爬沙緣上青霄裏歲久神靈故解飛憶與嫦娥來月地
即同顧兔款天庭清光忽射樓臺白夜色能留霜雪輝
牕外梅花臨鏡發却疑道士羽爲衣

吳文靜晚香齋

綠陰紫蕊出已森森直待秋風滿地金烈士總知存晚節
可人終不負芳心肅辰霜露那能酷正色馨香不少侵

元亮平生多勁氣暮年華髮遂幽尋

岳王祠

人臣功高逢忌嫉令終美殞古來稀山東義士向天哭
海外將軍被詔歸奏入國家無吉語獄成廊廟定危機
嗚呼信史為君諱自壞長城可嘆唏

松風閣

謾謾長松作人語開門出聽又千回海潮欲上寒江動
瓦屋微鳴小雨來不用吹笙隨燕婉如聆廣樂上蓬萊

往年曾向三茅聽餉戒丹砂滿玉杯

送人遊天台

此去蘭亭修禊後平明驅馬試征衣海邊山盡天無盡
花底春歸人未歸一浦潮生魚入市千山月上鶴投扉
舊遊二十年前路辜負東風賦采薇

三益堂芙蓉

三十六陂烟水碧紅綺嬌客著雕闌守宮血暖城池曉
翡翠巢香玉井寒風急周郎揮白羽日高毛遂插銅盤

絕憐月落無人見
颯爽英姿大耐看

冬日見桂花

北風吹倒碧琅玕
金粟迺枝露未乾
翠氣遙連仙掌曉
天香微墮玉壺寒
明蟾照影臨丹闕
青女銷香著畫欄
可是天翁露消息
小春先得一枝看

訪王君濟

好溪沙渚更停橈
來訪仙人王子喬
稚子候門如有喜
故人索酒不須招
門舍古樹春先到
簾映青山雪未消

老子紅顏如昔日只添白髮不相饒

寄周別峰

雨灑高城柳散絲扁舟長憶送君時前時書去惟憑空
今日詩成欲語誰修竹娟娟當石淨歸雲故故入山遲
平生不解求人識慚愧黃金鑄子期

咏棋

國手功名滿世間幾多奇思上眉端人心險處千機變
局面危時一著安陣入烏江迷項羽勢窮赤壁走曹瞞

近來黑白無分曉輸與樵翁冷眼看

七月十四夜宿東縣明日登上亭

海上歸來訪舊遊草堂開宴醉新秋
金花木落魚初鱠玉液香浮酒旋篤
展席涼風依綠樹振衣斜日濯清流
五年不見孫郎面一笑相看總白頭

二

高人清隱住衡茅倦客過從話舊交
露下碧梧啼絡緯霜凋黃葉挂蠟蛸
或見臨川洗茶臼頗聞隔竹敲

窮愛夜涼連榻坐共看明月學吹匏

送趙岐山

飢馬蕭蕭靜不諱大城落日聽清笳北風吹黑貂裘領
明月磨青寶劍花論定男兒能報國古來烈士不思家
酒闌笑脫吳鈎贈遠道相依當輔車

戲東王季行

才子勞心治墨莊風流文采足飛揚蒲萄釀酒澆鸚鵡
桐葉題詩咏鳳凰春滿畫闌花欲語月臨華屋竹生香

高堂想像馬能賦翹首西風引興長

送蔡縣正

齊唱驪駒白玉珂使君千騎擁鳴笳鹽梅霖雨真吾事
劒履星辰舊世家天碧玉笙寒裂竹江清畫鷗暖園花
九重香案紅雲曉日麗麒麟卧紫霞

送余同知

冠蓋風流二百春太平盛事復還真山林杖履何妨樂
丘壑經綸未苦貧丞相座間驚小友文公席上著元賓

閒中日月清如許政恐功名解逼人

二

樓船欲動鼓三疊玉節霓旌降素濤丞相何須將更至
大夫寧敢怨賢勞蟾蜍出海城郭曙鴻雁順風河漢高
孺子自與使君約他年竹馬候江準

答台州巾山

兩鬢星星白髮翁扳援如與上天同山藏白鶴暮烟紫
石枕金雞落葉紅地載樓臺歸足下天垂星斗落胸中

詩狂欲把塔為筆倒蘸長江寫碧空

至九眼陡門

飛梁壓水接通津潮落蒼崖見蘚痕山色凌空孤鳳舞
水聲觸石萬牛奔風扶酒旆搖亭宇雲趁征帆出海門
人物盡隨時節換獨留鷗鶴伴江村

題梅仲菴深淨亭

來看紫鳳啄琅玕闕菜莼花午影圓渭水有雲香不斷
華峰見月骨應仙猶聞龍化驚投策會報龜來迎釣船

近日鶴雖能送客獨留被髮看青天

送友人金陵漕運

金陵從古帝王州漕運君令事勝遊丹鳳有臺春樹老
烏衣無國夕陽收潮聲挾雨翻蛟室山氣浮空結蜃樓
白髮高堂日相待早回蘭橈莫淹留

讀陶隱居九錫文錄呈趙虛一真士

獨鶴能空雞鴉羣仙階還許世人聞題詩未倚李太白
學道願逢茅長君白鹿隨車繞山木丹沙入鼎染溪雲

先生少留亦不惡共讀華陽九錫文

次潘尊師韻

潘名雅言嘗住大茅峰下後住白雲觀今年七
十六詩為王季玉忌日作王名景溫季玉其字也
始樹白雲崇福觀每十二月十二日祠祭忌日
神君控鶴下冲融看浴跋烏碧海中仙去空遺三尺劍
道成更住一拳宮金丹授訣君應熟修竹題詩我未工
忌日諸孫起祠祭令人百世想玄風

十三夜聽吳道士吹簫

梓潼道士目方瞳酒醒吹簫月影中赤峯銀河有闕氣
千年萬壑自松風沄沄水初生夜蕩蕩青天直下籠
白鶴歸時應有闕神君儼候錦城東

過山寺

隔溪茅屋半開扉綠護晴林盡打閨野鹿飲泉山影動
幽禽出樹㟁花飛百年往事回頭換一路斜陽送客歸
要識上方何處是鐘聲隱隱隔烟霏

雨後村行

雨過沙頭落漲痕
滿林紅葉自紛紛
水平路面高低見
風約溪聲斷續聞
老屋無橋橫獨木
滄洲有雁起寒雲
殘蘆頭頂花如雪
莫是吟人鬢上分

二

澤國秋深景物非
西風獵獵又吹衣
路行落葉離人去
山破寒烟獨鳥飛
潮信到灘推月上
隣家停火候船歸
村醪香軟鱸魚美
自笑吟邊貌不肥

苦竹村

藍輿軋軋路高低苦竹村南古峴西草舍叢茅留客飯
麥田焚棘斷人蹊花梢春意闊禽語石磴霜痕印虎蹄
心自愛閒身尚役好山何處是真栖

十里

官河十里數家莊石埠門前繫野航梅月逢庚江雨歇
稻花迎午水風涼橋橫自界村南北候斷誰知里短長
倦矣野塘行瘦馬雲山杳杳復蒼蒼

秋晚別業偶成

平原渺渺路西東。豆葉纔黃柿半紅。
獵下江潭塘水涸，鼠歸牆屋野田空。
燒烟不斷經秋旱，草路無多徹夜風。
行過小橋人住處，短籬清曉護畦菘。

為學古澹藏主題安慶金君美秀野次潘仲舉韻
戶外黃塵滿地流。亭邊山色轉幽幽。
牛無令鬪殘吾竹客與俱來上某丘。池上小風花樹午夜深。
疎雨櫛林秋老翁獨樂寧非計。正使先生憶釣遊。

遷新居與表弟徐元澤對牀卧夜半風雨作推枕
賦此復就枕夢縛秦檜既寐再和前韻呈元澤
此身畎畝亦何憂出處男兒要熟籌風雨對牀弟兄夢
山林築室子孫謀酒無著處紅生面老欲來時自上頭
長怪平生王景略只將捫虱取封侯

二

鐘鼎山林不損憂為君借箸席前籌身前恐是岳鵬舉
生子要如孫仲謀那用功名懸口角不緣憂樂改眉頭

栽花種竹溪南宅擬比人間萬戶侯

泊舟姑蘇臺下

望遠升高意慨慷姑蘇臺下水泱泱重湖日落波浪紫
大野風多草木黃臺榭當時藏妓女霸圖無乃失金湯
猶憐壯士收全楚却悞君王舞袖長

送客

日日秦淮送客船江中八月雨如烟道逢鴻雁東南去
眼見蟾蜍四五圓美酒相看不成醉黃花別後為誰妍

詔裏已敵秋風起戒正思歸種石田

題宗師吳間間詩卷

簇仗神官踏綠烟珂琪華靜白麟眠夢騎黃鵠飛遙日
手弄紫雲行補天歌咏太平追雅頌扶持聖主屬神仙
宮中應受長生訣珠笈瓊章映御筵

聞詔赦因次王繼學大參聽詔韻

陛下聰明世武間尚方賜劒斬三姦樽開白獸千官入
詔下金雞萬國歡宗袞會聞朝日馭神駒自合在天闕

觀書一夜思賢佐廊廟于今即詔還

其二

書闕鳳詔下初聞聖主應思奕世勲抗直甚知楊震論

持盈不愧老聃云山寒白石羊羣起城轉雙江燕尾分
定有新詩薦賓客買絲願繡信陵君

送伏回川長老遊京師

京師自昔精藍盛西域仍傳象教新天上香爐朝佛祖
雲中星宿號仙人瑤階乍識九苞鳳金地長逢五色麟

東土高僧妙說法歸時更禮老能仁

用羣字韻寄伯雨尊師

使躬草草索離羣南北東西不更聞
別去廿年如夢寐山頭一日忽逢君
蓬萊閣裏呼明月撫掌東邊洗白雲
詩律老蒼無可說祇須出酒覓論文

謝劉尊師雲江先生三用羣字韻

神官青女動成羣宮殿香多下界聞
絳節珠幢引仙子千秋萬歲上明君
天垂白獸開金甕日炙麒麟卧紫雲

寶劍玉符生五色自將拂拭認龍文

登鶴情超遼臺

崇禧宮北水二源鶴情亭前雲一垣烏鳥啄林動落日
黃菊辟霜當石根自憐高坐看修竹翻畏歸時遭閉門
下到南宮見月出忽憶誰家老瓦盆

商山四皓圖

帝憂母主重廢嫡人料子房宜與謀盟祖不虞高后劫
卑辭翻為建成籌腹心已去悲歌起羽翼雖成女禍留

俱墮術中曾不寤先生輕出後人羞

徐尊師壽父母詩卷

天公不妄與人齡眉壽原從種德生翁媼真酬偕老願
子孫亦有養親名萱芽含土春暉暮椿樹生香鶴髮清
何日奉危看盛事丈人百歲住青城

自壽

小耳長髯高兩鬚自持青鏡照神仙夢騎黃鸝飛繞日
手弄紫雲行補天幸自讀書逢聖世喜聞闕起遺賢

平生儒術須君試更看渠能晚節全

次張伯雨韻

佳士望見知耐久俗子定交心已疎中林有客賦招應
後日何人問遂初達官不入彌衡利逸史會給陳農車
我見彌明太玩世自言不解人間書

題崇禧宮道士蘇仲簡梅石自號卷

句曲二奇在肺腑九老嘸嗽飛藥漿貞女玉貌臨臺迴
丹氣青泥出戶香先生願試調鼎手神人自有補天方

春風吹碧琅玕子為爾題詩向石牀

題奉馮秦卿索榻

將軍結髮事俎豆却領貔貅節鼓鼙試劍未妨騎惡馬
讀書頗復聽靈雞即逢佳士為下榻自督兒曹學灌畦
投夜買魚為酒事懸知二客醉如泥

和范文正公遊茅山有作韻

著書寂寞舊相如也愛名山亦駐車丹氣忽騰山木上
異松畫出雪霜餘致君堯舜寧無術願學神仙自有書

念我功成拂衣去却從句曲卜吾居

次疎齋公書句曲唐侯韻

盡說唐侯濟世才一車還過句容來池塘水滿曾看影
花柳春深定手裁賓客能言為縣日兒孫曾築讀書臺
于公種德天公笑大馬高車祇自猜

癸酉元日

造物無私播大鈞江雲不動養麒麟青陽發歲春風令
黃道經天日馭新仰見瑞圖開至理元知宰相有深仁

錦囊自有河清頌去上金鑾獻聖人

春雪寄薩使君

江東精舍好修竹翻憶吾廬近北林急雪未須愁見覲
白日自足懷羣陰烏鵲飛來三繞夜老驥平生千里心
張燈送客出門去城頭畫角聞哀吟

次鄭以吾清明韻

衢州城下清江好一舸因君作重尋早日頭顱能種種
春風門巷自深深窮魚得賴升斗活老驥終悲千里心

戎別先生知更苦出門搔首望飛岑

二

北關

曾上河汾策寂寞空垂後世名漂泊鄭虔祇老去

佯狂李白似平生衰翁猶是人麟鳳佳士能為世重輕
我送君歸吾亦去欲依僧寺聽江聲

送朱希顏

煖入舊年晴雪消聞君昨日買輕舠祇憐老母思驥子
還喜諸公識鳳毛何日重逢曲阿酒他年會聽鬱輪袍

吳姬莫唱花滿店雨後秦淮春水高

送古淡上人用張仲舉韻

夜聞石鼎車聲苦夢繞揚瀾浪蹴天狂客還尋破蝕錄
清童解答野狐禪水來巴蜀如衣帶雲斷中峰見岳蓮
恨殺秦淮舊歲月向人離別照年年

送許參議上官中書

企想才名二十年遼陪清宴賦登臨蒼生正藉經綸手
烈士盡知匡濟心已覺東風蘇萬蟄未愁白日作輕陰

官船擊鼓催官發一夜秦淮春水深

次王彥謙韻

昇州逆旅竟何物寧識人間有子房東野暮年只說劍
臨邛當日亦求鳳魚生春水桃初雨雉沒高原草欲香
寄語歸來雙燕子烏衣巷口又斜陽

次薛公信安太守韻

江山好在足淹留莫上新亭對楚囚赤制文章驂史籀
丹書功過掩春秋論心且復歌明月知已何勞怨白頭

我亦江南未歸客夜來獨倚仲宣樓

二

五馬何為嘆淹留春風夏雨洗

闕

因飛花寂寂轉亭午

衆綠含含向麥秋衡鑒自因居省眼竹符六合

闕雷頭

行天明月三萬里後夜相思更倚樓

副提舉陳衆仲乘傳如臨川為江浙行中書請起

學士虞伯生校文賦詩送

平生識公殊恨晚曾見雄才九鼎扛向驚使星入吳楚

遂駕官舸行浙江玉為龍節指南斗山似蛇牙盤碧牕
聞汝去訪青城老安得化為黃鶴雙

聞得孫

曾占吉繇非熊羆喜氣俄闕尺紙馳為報生孫留綠鬚
頗慚為祖鋟霜毬俊聲莫作三珠樹佳夢先驚五彩旗
願我得齡踰八十眼看文字屬雄兒

送昭功判官保時中

材賢宜置鳳凰曹將相東行擁節旄使者當時聞進孰

侍臣豈敢賦賢勞河渠冰赤鯈鱗困江漢風多鴻雁高
春事即乘輶待發願陳計畫補釣陶



五峰集卷十